

Namminersorlutik Oqartussat nalunaarutaata iluarsanneqarnissaa pillugu illersuinnermut timmiarniarnermullu appanik taateraannillu piniarsinnaanerup nalaani peqassuseq aalaakkaasumik nalilerneqarsimappat zoneni aalajangersimasuni ulluni 30-ni sivitsorneqarnissaa pillugu Naalakkersuisut kingusinnerpaamik UKA2026 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Jens NapätôK', Naleraq)

Akissuteqaat

(Aalisarnermut, Piniarnermut, Nunalerinnermut Imminullu Pilersornermut Naalakkersuisoq)

Aappassaaneerneqarnera

Naalakkersuisut Inatsisartut Aalisarnermut, Piniarnermut Nunalerinnermullu Ataatsimiititaliaata UPA2026/81-imut isumaliutissiissutaa aamma Naalakkersuisut allannguutissatut siunnersuutaannut tapersiinerat qujaffigivaat. Siunnersuuteqartumit siunnersuutigineqarpoq, illersuinnermut timmiarniarnermullu appanik taateraannillu piniarsinnaanerup nalaani peqassuseq aalaakkaasumik nalilerneqarsimappat zoneni aalajangersimasuni ulluni 30-ni sivitsorneqarnissaa pillugu Naalakkersuisut sumiiffikkaartumik attuumassuteqartunut tusarniaaqqullugit Inatsisartut aalajangiissasut.

Naalakkersuisut siullermeerneqarnerani siunnersuummik tulliuuttumik saqqummiussipput:

“Peqassuseq aalaakkaasumik nalilerneqarsimappat appat taateraallu piniagaaffii zone-ni aalajangersimasuni ulluni 30-ni sivitsorneqarsinnaanera pillugu Naalakkersuisut kingusinnerpaamik UKA2026 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut”.

Allannguutissatut siunnersuummi siunnersuutigineqartutut sumiiffiit appanik taamatullu taateraannik peqassuseq aalaakkaasutut nalilerneqarsimappata tusarniaanermi ukkatarineqassapput.

Tamatuma saniatigut piniagassat pillugit ilisimasat qaffassartuarnissaat aammalu kommunit peqataatinneqarnissaat ataatsimiititaliap Naalakkersuisunut kaammattuutigaa.

Tamanut ammasumik tusarniaasoqartillugu kommunit tamarmik susassaqtullu allat ilanngunneqartarput, tamannalu suliame matumani aamma pissaaq, timmissanik illersuineq piniarnerlu pillugit nalunaarut nr. 22, 30. maaji 2023-meersumi kapitali 9-mi §§ 8-9 malillugit.

Pinngortitaleriffiup aammattaaq piniagassat pillugit ilisimasat qaffassartuarnissaat isumalluutit aningaasaliissutillu avataaneersut pissarsiarineqartartut iluanni sulissutigisarpaa, ilaatigut timmissanik misissuinnermut atatillugu tassunga appat taateraallu ilanngullugit.

Namminersorlutik Oqartussat timmissanik illersuineq piniarnerlu pillugit nalunaarutaannik appanniarnermut taateraarniarnermullu allannguisussaangitsumik Naalakkersuisut allannguutissatut siunnersuusiernerat Ataatsimiititaliamit naggataatigut maluginiarneqarpoq.

Naalakkersuisut maannakkut nalunaarummi atuuttumi allannguisoqassanngitsoq nalunaarutigereerniannigilaat, pissutigalugu appanut taateraannullu piffissat piniarfiusussat

nalunaarummi atuuttumi taaneqarmata, ullullu 30-t angullugit sivitsuisoqassagalarpat nalunaarummik allannguisariaqarnermik kinguneqassammat.

Taamatut oqaaseqarlunga oqallinnissaq Inatsisartunut ingerlateqqippara.